



Saksframlegg

Saksnr.	Utval	Møtedato
088/26	Formannskapet	10.09.2026

Forskrift om opning for bruk av restlysforsterkande og termiske siktemiddel ved jakt på hjort i Kinn kommune

FORM- 088/26 Vedtak:

Kinn kommune sender med dette forslag til lokal forskrift om opning for bruk av restlysforsterkande og termiske siktemiddel ved jakt på hjort på høyring. Forslaget til forskrift med saksframlegg skal være tilgjenge på kommunen si heimeside og skal publiserast i lokale aviser.

Alle interesserte, organisasjonar, grunneigarar, jaktrettshavarar og offentlege instansar blir inviterte til å kome med merknader til forslaget.

Høyringsfrist blir sett til 10. oktober 2026.

Kommunen vil etter høyring av forskrifta ta stilling til om det skal opnast for bruk av restlysforsterkande og termisk siktemiddel ved jakt på hjort, altså om forskrifta faktisk skal tre i kraft.

Kommunedirektøren sitt framlegg til vedtak:

1. Evalueringa av bestanden i høve det kommunale måldokumentet (FORVALTNINGSMÅL FOR HJORT - KINN KOMMUNE – 2023 – 2027) gjer ikkje grunnlag for å opne for bruk av restlysforsterkande og termiske siktemiddel.

Trenden er at hjortebestandane i kommunen er minkande og rapportar om alvorlege hjorteskader er minkande. Vilkårret som gjeld om dokumentasjon utover normal skade er ikkje tilstades.

Det blir difor ikkje lagt ut lokal forskrift for Kinn kommune om opning for bruk av restlysforsterkande og termisk siktemiddel ved jakt på hjort.

Bakgrunn for saka:

Viltressursloven vedtatt 1.7.2026 innfører forbod mot restlysforsterkande og termiske siktemiddel på jakt på hjort.

Landbruks- og matdepartementet fastsette 26.06.2026 endringar i jaktutøvingsforskrifta, sjå <https://lovdata.no/LTI/forskrift/2026-06-26-1380>. Dette vart gjort på bakgrunn av behov for tilpassingar i forskriftsverket i samband med at den nye Viltressurslova skulle tre i kraft 01.07.2026.

Kommunane må etter dette vedta eigne forskrifter om det skal verte lovleg å nytte siktemidla på jakt etter hjort.

Ein av bakgrunnane for endringa er Bernkonvensjonen (konvensjonen om vern av europeiske ville planter og dyr og deira naturlege leveområde). Tolkninga av reglane er gjort gjennom nasjonal lovgiving. Noreg har tolka det slik at termiske siktemidler er ulovleg etter konvensjonen. Det må difor utferdast eiga forskrift for og opne for jakt etter bestemte materielle vilkår.

Saksopplysningar:

Etter den nye viltressurslova er det forbod mot bruk av restlysforsterkande og termiske siktemiddel ved jakt (§ 26), men det er opna opp for å tillate dette i forskrift ved særskilde tilhøve.

Slike sikte har no vore lovleg å bruke nokre etter ei avgjerd i rettsvesenet avgjorde at dette ikkje er omfatta av omgrepet «kunstig lys» som var ulovleg å bruke etter den tidlegare Viltlova. Utviklinga av desse siktemidla har gått raskt siste åra, med stadig nye og forbetra produkt som resultat. Dette har gjeve jegerar nye moglegheiter med meir effektiv jakt, spesielt på dyrka mark der det i stor grad vert nytta. I Kinn kommune har ein del jegerar tatt i bruk termiske siktemiddel dei seinare åra .

Ei endring av jaktutøvingforskrifta som vart gjeldande frå 01.07.2026 gjev kommunane heimel for å kunne tillate bruk av slike sikte til jakt på hjort i ope terreng på visse vilkår. Dette gjeld for å avverje alvorleg skade på natur eller samfunnsinteresser og skal gjerast i ei eiga kommunal forskrift. Dette går fram av Forskrift om utøvelse av jakt, felling og fangst (jaktutøvingforskrifta) § 29a., 4. ledd - heile paragrafen ser ein under

«§ 29a. Tillatt bruk av synlig lys og restlysforsterkende og termiske siktemidler

Fastmontert synlig lys kan benyttes for å belyse åte i forbindelse med lisensfelling av jerv. Slik bruk skal rapporteres til statsforvalteren.

Synlig lys kan benyttes ved avliving av vilt som er fanget levende i felle.

Synlig lys og restlysforsterkende og termiske siktemidler kan benyttes ved jakt på villsvin og rødrev når jakten foregår i åpent terreng eller ved åteplass.

For å avverge alvorlig skade på natur- eller samfunnsinteresser som følge av høy bestandstetthet, kan kommunen i forskrift åpne for bruk av restlysforsterkende og termiske siktemidler ved jakt på hjort. Bruken av restlysforsterkende og termiske siktemidler skal avgrenses til jakt i åpent terreng.

Kommunen skal vurdere behovet for videreføring av en slik forskriftsregel hvert femte år. Kopi av vurderingen skal sendes Landbruksdirektoratet. Jegeren skal rapportere bruk av restlysforsterkende og termiske siktemidler ved felling av hjort i Hjorteviltregisteret.

Synlig lys kan benyttes ved den umiddelbare undersøkelsen av og rundt skuddstedet. Dette gjelder ikke ved kvotejakt og skadefelling av gaupe eller ved felling av jerv, bjørn og ulv med mindre noe annet følger av forskrift eller enkeltvedtak.

Synlig lys og restlysforsterkende og termiske siktemidler kan benyttes ved ettersøk av påskutt hjortevilt, villsvin og rødrev. Jegeren har bevisbyrden for at påskytingen er lovlig, og skal varsle grunneieren, politiet og kommunen om bruken av synlig lys og restlysforsterkende og termiske siktemidler før ettersøket tar til.

Dersom varsling i vesentlig grad vil forsinke ettersøket, kan begrunnet melding om slik bruk sendes samme instanser umiddelbart etter avsluttet søk.»

Vurderingar:

Om det skal vere lov å nytte termisk og restlysforsterkande siktemiddel på jakt etter hjort i ope terreng må altså kvar kommune lage lokal forskrift som opnar for dette.

Det er ikkje fastsett nokon overgangsordningar, av departementet, for innføring av endringane som gjeld bruk av restlysforsterkande og termiske siktemiddel ved jakt etter hjort.

Det er ikkje tilstrekkeleg at termiske siktemiddel kan gjere jakta enklare eller meir effektiv. Forskrifta krev at kommunen kan vise til alvorleg skade på natur- eller samfunnsinteresser som følgje av høg bestandstettleik, og at forskrifta er eit nødvendig verkemiddel for å handtere denne situasjonen.

Kommunen kan fastsetje lokal forskrift dersom:

1. Det ligg føre høg bestandstettleik av hjort, og
2. Det er nødvendig å avverje alvorleg skade på natur- eller samfunnsinteresser som følgje av den høge bestandstettleiken.

For å kunne forsvare ei lokal forskrift bør kommunen dokumentere:

- at bestanden er så høg at han skaper ein skade- eller risikosituasjon,
- kva natur- eller samfunnsinteresser som blir råka,
- kvifor ordinær jakt ikkje er tilstrekkeleg,
- korleis termiske siktemiddel vil bidra til å redusere problema.

Typiske moment kan vere jord- og skogbruksskadar, hjortepåkøyrslar, svært høg bestandstettleik og manglande måloppnåing i bestandsforvaltninga.

Kinn kommune sitt overordna forvaltningsmål for hjort (2023 -2027) har som hovudformål å redusere hjortebestandane i kommunen. Dette utifrå omsynet både til belastninga med beiteskade på innmark og skog og for landbruksnæringa og omsynet til negativ vekt og kondisjonsutvikling i hjortebestandane. Administrasjonen gjer årleg vurderingar av bestandsutviklinga i høve dei kommunale forvaltningsmåla. Denne vert sendt jaktvald og jaktlag. Vurderinga vert gjort utifrå tilgjengeleg datamateriale frå fellingsstatistikk, Sett hjort registreringar og tilbakemeldingar frå grunneigarar og jegerar.

Avskytinga av hjort har lenge vore aukande i begge delar av kommunen men gjekk noko ned i 2025. Vurderingane som vart gjort etter jakta i 2025 er at ein dei siste 2 - 3 åra har hatt ein mindre bestandsreduksjon i begge delar av kommunen. Reduksjonen har vore størst i nordre delen av kommunen. Talet registrerte påkøyringar av hjort på vegane har vore minkande sidan 2021 noko som er med å underbygge dette.

For landbruksnæringa har beiteskade av hjort på innmark og til dels i skog lenge vore av eit omfang som har medført eit betydeleg økonomisk tap for aktive bønder. Omfanget av dette varierer mellom år avhengig av tilgang på godt beite i utmarka som påverkar kor lenge hjorten vert verande på innmark på våren og kor tidleg dei trekkjer mot innmark på ettersumaren/hausten. Utan å ha nokon faktisk statistikk på det opplever administrasjonen å få færre meldingar om skade på jordbruksareal. Søknader om skadefellingsløyve grunna beiteskade på innmark har og vore minkande, i 2025 hadde ein 1 slik søknad medan det ikkje har vore nokon i 2026.

Ein del jegerar har teke i bruk termiske sikte dei seinare åra men hovudtyngda av hjorten vert nok framleis felt utan bruk slike sikte. Ein trur såleis ikkje bruken av slike sikte har vore avgjerande for den bestandsreduksjonen ein no meiner å ha hatt.

Så lenge det ikkje er vurdert å vere fagleg grunnlag, har kommunedirektøren ikkje funne at det er grunn til å fremje politisk sak om oppstart av forskriftsarbeid. Om ein likevel ynskjer å opne for termiske og restlysforsterkande siktemiddel legg kommunedirektøren fram følgjande forslag til vedtak:

2. Kinn kommune sender med dette forslag til lokal forskrift om opning for bruk av restlysforsterkande og termiske siktemiddel ved jakt på hjort på høyring.

Forslaget til forskrift med saksframlegg skal være tilgjenge på kommunen si heimeside og skal publiserast i lokale aviser.

Alle interesserte, organisasjonar, grunneigarar, jaktrettshavarar og offentlege instansar blir inviterte til å kome med merknader til forslaget.

Høyringsfrist blir sett til 12 oktober 2026.

Behandling i Formannskapet 10.09.2026:

Alternativt framlegg, foreslått av Jacob Andrè Telvik Nødseth, Kinn Venstre
Det blir lagt ut lokal forskrift for Kinn kommune om opning for bruk av restlysforsterkande og termisk siktemiddel ved jakt på hjort. Kommunen vil etter høyring av forskrifta ta stilling til om det skal opnast for bruk av restlysforsterkande og termisk siktemiddel ved jakt på hjort, altså om forskrifta faktisk skal tre i kraft.

Alternativt forslag, foreslått av Mats Brunsvik, Kinn HøgreUavhengigKinn Fremskrittsparti
2. Kinn kommune sender med dette forslag til lokal forskrift om opning for bruk av restlysforsterkande og termiske siktemiddel ved jakt på hjort på høyring.
Forslaget til forskrift med saksframlegg skal være tilgjenge på kommunen si heimeside og skal publiserast i lokale aviser.
Alle interesserte, organisasjonar, grunneigarar, jaktrettshavarar og offentlege instansar blir inviterte til å kome med merknader til forslaget.
Høyringsfrist blir sett til 12. oktober 2026.

Samla framlegg, foreslått av Frank Willy Pedersen Djuvik, Kinn Fremskrittsparti
Kinn kommune sender med dette forslag til lokal forskrift om opning for bruk av restlysforsterkande og termiske siktemiddel ved jakt på hjort på høyring.
Forslaget til forskrift med saksframlegg skal være tilgjenge på kommunen si heimeside og skal publiserast i lokale aviser.
Alle interesserte, organisasjonar, grunneigarar, jaktrettshavarar og offentlege instansar blir inviterte til å kome med merknader til forslaget.
Høyringsfrist blir sett til 10. oktober 2026.
Kommunen vil etter høyring av forskrifta ta stilling til om det skal opnast for bruk av restlysforsterkande og termisk siktemiddel ved jakt på hjort, altså om forskrifta faktisk skal tre i kraft.

Votering:

Sama framlegg frå Frp v/ordførar Djuvik samrøystes vedtatt.

FORM- 088/26 Vedtak:

Kinn kommune sender med dette forslag til lokal forskrift om opning for bruk av restlysforsterkande og termiske siktemiddel ved jakt på hjort på høyring.
Forslaget til forskrift med saksframlegg skal være tilgjenge på kommunen si heimeside og skal publiserast i lokale aviser.
Alle interesserte, organisasjonar, grunneigarar, jaktrettshavarar og offentlege instansar blir inviterte til å kome med merknader til forslaget.
Høyringsfrist blir sett til 10. oktober 2026.
Kommunen vil etter høyring av forskrifta ta stilling til om det skal opnast for bruk av restlysforsterkande og termisk siktemiddel ved jakt på hjort, altså om forskrifta faktisk

skal tre i kraft.

Vedlegg i saken:

Forskrift om opning for bruk av restlysforsterkende og termiske siktemiddel ved jakt på hjort i Kinn kommune

Krav om politisk handsaming av lokal forskrift om termisk og restlysforsterkende siktemiddel ved jakt på hjort

Informasjon og huskeliste for rapportering frå hjortejakta 2026

Svar på brev frå varaordføraren

Oppsummering av jakta 2024

25.07.24 Oppsummering av jakta 2023

Hjort 2023

Informasjon før hjortejakta i 2026

Framlegg Kinn kommunale viltmål 2023-2027

230626 Oppsummering av jakta 2025

Informasjon og huskeliste for rapportering frå hjortejakta 2026

SV Teamsmøte for å drøfte fastsetjing av lokale forskrifter om termiske siktemiddel

Sak_Sunnfjord_komune_147_26_vedta_av_forskrift_om_opning_for_bruk_av_restlysfors
terkende_og_termiske_siktemiddel_ved_jakt_p_Hjort_i_Sunnfjord_kommune_klage_21
91926_1_A_2758551

Referat frå møte 2. juli 2026

Veileder_for_fastsettelse_av_lokal_forskrift_for_opning_for_bruk_av_restlysforssterkende
og_termiske_siktemidler_til_jakt_p_hjort_2186111_1_A_2750981

M_lokument_for_forvalting_av_hjortevilt_2023_2027_Vedtatt_i_utval_for_samfunn_kul
tur_og_n_ring_08_02_2023_2186126_1_A_2750981

Evaluering_av_bestandsplanperiode_2023_2025_Gloppen_Stryn_Indre_J_lster_bestands
planomr_de_2186127_1_A_2750981

Evaluering_av_bestandsplanperiode_2023_2025_F_rde_og_J_lster_bestandsplanomr_de
_2186128_1_A_2750981

Brev_fra_NOAH_Oppfordring_til_a_oppretholde_forbudet_mot_termiske_og_restlysforst
erkende_siktemidler_ved_jakt_pa_hjort_2187504_1_A_2750981

Ope_brev_fr_Styret_i_Sunnfjord_Naturvernforbund_2188646_1_A_2752345

de4f9900-b024-45ba-b8d2-df55c0d7a198

062ca012-ebc5-44e3-9612-1815a9876c34

241a28cd-cc33-4324-bba8-2d1d11459e31

241a28cd-cc33-4324-bba8-2d1d11459e31

5a3f686a-9d9d-4793-9af5-ebbd5ce1cf65

f8008d13-6039-4cd7-87a3-abb442c9e841